



ADOLAT

IJTIMOIY-SIYOSIY GAZETA

adolat_gazeta@message.uz

www.adolat.uz

№ 8 (920)

2013-yil, 1-mart, juma



2013 йил —
Обод турмуш йили

Таълим тизимини ривожлантириш — мамлакатимиз тараққиётининг муҳим омили

Инсон ҳуқуқ ва манфаатларини таъминлаш, халқимиз учун муносиб турмуш шароити яратиш бериш истиқлол йилларида Ўзбекистонда амалга ошириб келинаётган кенг қўламли ислохотларнинг асосий мақсадидир. Президентимиз Ислоҳ Каримовнинг қарори билан тасдиқланган «Обод турмуш йили» Давлат дастури ушбу хайрли ишларни нафақат изчил давом эттириш, балки таълим соҳасини сифат жиҳатидан янада юқори босқичга кўтаришга қаратилган кенг қўламли чора-тадбирларни амалга оширишни кўзда tutади.

Масалан, Давлат дастурининг тўртинчи бўлимида жисмонан соғлом, маънан етук — баркамол авлодни тарбиялаш, кадрларни касб жиҳатдан ҳозирги замон талаблари даражасида тайёрлаш, таълим сифатини янада ошириш ва такомиллаштириш, таълим муассасаларининг моддий-техник базасини мустаҳкамлаш борасида амалга оширилаётган ишлар самарадорлигини юксалтиришга қаратилган

аниқ чора-тадбирлар белгилаб берилган.

«Таълим тўғрисида»ги қонун, Кадрлар тайёрлаш миллий дастури ва Мактаб таълимининг ривожлантириш Давлат умуммиллий дастури ҳаётга татбиқ этиш давомида замон талабларига жавоб берадиган, барча жабҳаларда мамлакатимизни изчил ривожлантиришни таъминлаш шарт-шароитларига мос келадиган, бутун дунёда эътироф этилган

ноёб узлуксиз таълимнинг миллий модели яратилди. Мазкур тизимнинг самарали фаолият кўрсатиши учун зарур мустаҳкам моддий-техник база шакллантирилди, малакали педагог кадрлар тайёрланди, янги давлат таълим стандартлари ва ўқув-услубий адабиётлар ишлаб чиқилди.

8 ➤

Концепция: Тараққиётга элтувчи дастур

Жорий йилнинг 14 феввалида қабул қилинган Ўзбекистон Республикаси Президентининг «Обод турмуш йили» Давлат дастурини тасдиқлаш тўғрисида»ги қарори кенг жамоатчилик, жумладан, «Адолат» СДП фаоллари, парламент депутатлари, маҳаллий кенгашлардаги депутатлик гуруҳлари томонидан қизгин муҳокама этилмоқда. Маълумки, саккиз бўлимдан иборат Давлат дастурининг биринчи бўлимида барқарорлик ва оқилолчилик, ҳавфсизлик, фуқаролар ва миллатлараро тотувликни янада мустаҳкамлаш, инсон ҳуқуқлари, эркинликлари ва манфаатларини ҳимоя қилиш, аҳоли фаровонлигини изчил юксалтириш устувор вазифалар сифатида қайд этилган. Уларни рўйбга чиқариш учун қонунчилик ҳужжатларини янада такомиллаштириш бўйича аниқ чора-тадбирлар белгиланган. Бу борада фуқароларнинг ўзини ўзи бошқариш органлари ролини ошириш, фуқаролик институтларини ривожлантириш, оила институтини мустаҳкамлаш, экологик аҳволни яхшилашга қаратилган саккизта қонун лойиҳасини ишлаб чиқиш ва қабул қилиш кўзда тутилган. Аксарият қонун лойиҳалари Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида илгари сурилган.

Қуйида партияимиз фаолларининг бу борадаги мулоҳазалари билан танишасиз.

3 ➤

Янгича услуб

касалликка барҳам бериши мумкин



5 ➤

Ташкилий, амалий ишларимиз

демократик янгиланишларга
мос бўлмоғи зарур

Сиёсий ўқиш

Мамлакатимизда амалга оширилаётган сиёсий ислохотлар партиялар зиммасига ташкилий ишлар самарадорлигини янада ошириш, фаолиятнинг услуб ва шакллари такомиллаштириш, партиялараро ва фракциялараро рақобатни кучайтириш, ҳудудий партия ташкилотлари ишини қайта кўриб чиқиш, фойдаланилмаётган имкониятларни аниқлаш ва ишга солиш масъулиятини юклармоқда. Ўзбекистон «Адолат» СДП Сиёсий Кенгаши Марказий аппаратида Қорақалпоғистон Республикаси, вилоятлар ва Тошкент шаҳар партия Кенгашлари раисларининг биринчи ўринбосарлари учун «Ички партиявий ишларни ташкил этиш» мавзусида ташкил этилган икки кунлик ўқув-семинарида шу ҳақда атрафлича сўз юритилди.

Қизгин ва амалий машғулотларга бой руҳда ўтган семинарда иштирокчилар Олий Мажлис Қонунчилик палатаси депутатлари, партия Сиёсий Кенгаши Марказий аппарати масъул ходимлари ҳамда бошқа ҳамкор ташкилотлар мутахассисларининг кўтарилган мавзу доирасидаги маърузаларини тинглашди.

Ўзбекистон «Адолат» СДП

2 ➤



Аср вабоси хуружи

соҳанинг ҳуқуқий базасини
такомиллаштиришни
тақозо этмоқда

Сайёр йиғилиш

Ўзбекистон Республикаси Соғлиқни сақлаш вазирлигига Эпидемиология, микробиология ва юқумли касалликлар илмий текшириш институтининг катта мажлислар залида Олий Мажлис Қонунчилик палатасидаги Ўзбекистон «Адолат» социал-демократик партияси фракцияси томонидан ташкил этилган «ОИВга қарши курашиш соҳасидаги қонунчиликни такомиллаштириш масалалари: халқаро ва миллий тажриба» мавзусида давра суҳбати бўлиб ўтди.

2 ➤

Дунё кўрган тадбиркор

«Адолат»нинг
адолатли аёллари

Юртимизга баҳор келди. Дилбар табиат жозибали ва мафтункор кўринади. Бу кунларни орзиқиб кутган, соғинган қалблар ҳаяжондан энтикади. Ариқлар лабида юз очган чучмоқлар, кенг, бепоён далалар бағрида ястаниб ётган ям-яшил майсалар, қийғос очилган бодом гуллари кўзни яшнатади.

Табиат қизик: дунё чархпалаги тинмай айланади. Бир фаслнинг ортидан иккинчиси келади. Ҳар баҳорда табиат қайта уйғониб, гуллаб-яшнайдиган, янги ҳаёт бошланади. Инсон зоти ҳам шундай: унинг ўз гуллаган даври, фасллари бўлади...



4 ➤

ФАКТ ВА РАҚАМ

Замонавий ишлаб чиқаришларни яхши тайёргарликка эга, малакали кадрлар билан таъминлаш мақсадида мамлакатимизда касб-ҳунар коллежларининг иш бевуви корхоналар билан кооперация асосидаги ҳамкорлигининг турли шакллари ривожлантирилмоқда. 2013 йилда бўш ва захира иш ўринлари ҳисобидан касб-ҳунар коллежларининг 500 мингдан ортиқ битирувчисини ишга жойлаштириш кўзда тутилган. Шу мақсадда коллежларга иқтисодиётнинг турли тармоқларида фаолият юритаётган 90 мингдан ортиқ корхона ва ташкилот бириктирилади. Касб-ҳунар коллежлари, битирувчилар ва уларнинг ота-оналари ҳамда корхоналар ўртасида уч томонлама шартномалар тузиш амалиёти кенгайди.

